

**UCAPAN YAB DATO HUSSEIN ONN,  
PERDANA MENTERI MALAYSIA,  
DIPERESMIAN MESYUARAT PER-  
WAKILAN TAHUNAN UMNO BAHAGIAN  
JOHOR BAHRU, DI DEWAN SERBAGUNA  
LARKIN, PADA HARI JUMAAT,  
18HB, MEI, 1979, JAM 10.30 PAGI.**

**Assalamu'alaikum Warahmatullahi Wabarakatuh.**

**Yang Amat Berhormat Tan Sri Dato Haji Othman Saat,  
Menteri Besar Johor.**

**Yang Berhormat Dato Hajjah Hasnah bt. Ahmad,  
Timbalan Ketua UMNO Bahagian Johor Bahru.**

**Yang Berhormat Ahli-Ahli EXCO Kerajaan Johor.**

**Para-para Perwakilan dan Pemerhati.**

**Tuan-tuan dan puan-puan sekalian.**

**Saya bersyukur kehadiran Allah Subhanahu**

**Wataala kerana dengan limpah kurnia dan IzINNYA**

**klta dapat oersama-sama tii majlis peresmian**

**mesyuarat perwakilan tahunan UMNO Bahagian**

**Johor Bahru pada pagi ini. Saya inginlah mengucapkan tahniah kepada Jawatankuasa Bahagian yang telah mengatorkan mesyuarat perwakilan ini dengan licin dan jayanya. Saya percaya mereka ini tentulah telah bertungkus lumus membuat persiapan untuk menentukan kejayaan sepenuhnya. Sebagai ketua bahagian, saya mengucapkan berbilang terima kasih kepada mereka kerana telah mengorbankan banyak masa bagi kepentingan UMNO.**

**2. Semangat sanggup dan tekun bekerja yang telah ditunjukkan oleh iawatankuasa ini.**

**bah kan oleh semua ahli-ahli UMNO Bahagian  
Johor Baharu ini, telah menjadi daya penggerak  
yang kuat dalam menentukan kejayaan gemilang  
Barisan Nasional di kawasan ini dalam Pilihanraya  
Umum tahun 1978. Di sini saya mengucapkan  
terima kasih dan penghargaan kepada semua  
pemimpin dan ahli UMNO Bahagian Johor Bahru  
yang telah bekerja keras untuk menentukan  
kejayaan itu.**

**Bahagian yang telah memberi penghormatan kepada saya untuk meresmikan mesyuarat perwakilan tahunan bahagian kita. Di samping itu, bagi pihak Jawatankuasa Bahagian. saya mengalu-alukan kehadiran YB Tan Sri Dato Haji Othman Saat selaku Pengerusi Badan Perhubungan UMNO Negeri di majlis yang mulia ini.**

**Tuan-tuan dan Puan-puan sekalian.**

**4. Sebagai sebuah daerah di mana terletaknya pusat pentadbiran negeri, sudah tentulah UMNO Bahagian Johor Bahru mengambil berat terhadap perkembangan daerah Johor Bahru. Seperti yang kita sedia maklum, sebahagian besar daripada**

**daerah ini terletak di dalam kawasan UMNO Bahagian kita. Seperti juga dengan kawasan-kawasan lain. bandar dan daerah Johor Bahru ini telah mendapat faedah secara langsung hasil daripada usaha rancangan pembangunan negara dan ianya berkembang dengan pesat. Keadaan ini akan membawa keuntungan kepada penduduknya. Sebagai ahli-ahli salah sebuah parti yang mendukung Kerajaan, kita bersyukur kehadiran TUHAN kerana ramai orang di Johor Bahru dapat menikmati hasil pelaksanaan Dasar Ekonomi Baru.**

**5. Walaupun demikian, kita mestilah sentiasa berhati-hati kerana keadaan ini boleh mendatangkan masalah.**

**Oleh kerana ia sedang membangun dan berkembang dengan pesat, maka ramai orang berhijrah ke Johor Bahru baik dari daerah-daerah di Johor mahupun dari negeri-negeri lain. Oleh sebab itu, maka jumlah penduduknya semakin bertambah. Sebagai gambaran, jumlah pengundi di dalam kawasan pilihanraya Johor Bahru pada tahun 1974 ialah seramai 51,534 orang. Pada tahun 1978, bilangan ini telah meningkat menjadi 75,184 orang. Ini merupakan pertambahan hampir 46 peratus dalam masa 4 tahun, iaitu lebih kurang 10 peratus pada tiap-tiap setahun.**

**6. Jika kita membandingkan kawasan pilihanraya Johor Bahru dengan kawasan-kawasan pilihanraya yang lain, maka kita dapati bahawa kadar pertambahan pengundi ini melebihi kadar pertambahan dalam masa yang sama bagi Pulau Pinang, Ipoh, Seremban, Kota Melaka dan Kuantan. Kadar pertambahan ini hanya diatasi oleh kawasan-kawasan pilihanraya yang telah lama maju di Wilayah Persekutuan dan Negeri Selangor.**

**7. Sebagai ahli-ahli politik, kita mestilah sentiasa mengambil perhatian berat terhadap perkembangan pesat yang berlaku di Johor Bahru kerana keadaan ini akan membawa kesan kepada pergolakan politik**

**di Bahagian kita. Pertambahan pengundi dan penduduk di dalam kawasan pilihanraya Johor Bahru akan menimbulkan tekanan kepada kemudahan-kemudahan asas yang sedia ada di sini. Oleh kerana itu, besar kemungkinan bahawa kemudahan-kemudahan asas ini tidak akan mencukupi untuk kegunaan orang ramai. Keadaan ini akan memerlukan perbelanjaan yang lebih daripada Kerajaan Negeri dan Persekutuan bagi menjamin kesejahteraan hidup penduduk-penduduk di kawasan ini. Tuan-tuan dan Puan-puan sekalian.**

**8. Keadaan yang baru saya nyatakan sebentar tadi telah menimbulkan tekanan kepada perumahan, khususnya penyediaan rumah-rumah murah.**

**Kerajaan Barisan Nasional di peringkat negeri dan persekutuan menyedari akan tekanan ini. Di atas kesedaran inilah kita telah berjanji untuk terus membina lebih banyak rumah-rumah murah dan berusaha kearah memaeri peluang kepada setiap orang memiliki rumah. Bagi daerah Johor Bahru keseluruhannya, Kerajaan Persekutuan telah membuat peruntukan sebanyak \$37 juta di bawah Rancangan Malaysia Ketiga bagi menyediakan rumah dan rumah pangsa harga murah. Hampir 85 peratus daripada peruntukan ini dibelanjakan di dalam kawasan pilihanraya Johor Bahru. Di samping itu, Kerajaan Negeri turut membelanjakan berjuta-juta ringgit bagi tujuan yang sama.**

**9. Salah satu kesan yang jelas akibat daripada kekurangan kemudahan perumahan ini ialah pertumbuhan kawasan-kawasan perumahan setinggalan di dalam bandar dan daerah Johor Bahru. Adalah dianggarkan bahawa terdapat sebanyak 5,000 buah rumah setinggalan di Johor Bahru sahaja. Oleh kerana Kerajaan Negeri dan Persekutuan mempunyai banyak keutamaan yang harus diselenggarakan dalam melaksanakan tugasnya, maka sudah tentulah kita tidak dapat mengatasi masalah ini dengan serta merta. Kita memerlukan masa yang panjang dan kewangan yang banyak bagi maksud ini. Oleh yang demikian, kita mestilah menerima hakikat bahawa kawasan-kawasan setinggalan**

**ini akan terus wujud buat beberapa tahun lagi.**

**Sambil menerima keadaan ini, kita mestilah memahami kedudukan setinggalan ini. Kita tidak boleh memandang sepi terhadap mereka; malah UMNO mestilah mengembangkan kegiatannya ke kawasan-kawasan setinggalan supaya masyarakat setinggalan Melayu dapat kepimpinan yang wajar.**

**10. Dalam hail ini, UMNO janganlah sekali-kali menganggap setinggalan sebagai penceroboh dan musuh. Kebanyakan mereka menjadi setinggalan oleh kerana paksaan hidup dan desakan keadaan ekonomi. Kita tidak boleh menafikan mereka**

**daripada mencari rezeki yang sah. Di sebaliknya, kita mestilah berhati-hati dan mengawasi keadaan ini supaya orang-orang fain tidak dapat menggunakan kesempatan ini untuk menangguk di air yang keruh bagi kepentingan politik ataupun kepentingan masing-masing. Kita dapat mengawasi orang-orang yang cuba mencari kesempatan ini sekiranya kita bergerak bersama-sama dengan masyarakat setinggan dan memberikan mereka kepimpinan di bawah teraju UMNO. Memandang kepada keperluan ini, sebuah Biro Setinggan akan ditubuhkan dalam Bahagian Johor Bahru bagi mengendalikan perkara-perkara yang bersangkutan paut dengan masalah setinggan.**

**Tuan-tuan dan Puan-puan sekalian.**

**11. Di bawah Dasar Ekonomi Barunya,**

**Kerajaan Barisan Nasional bertujuan hendak**

**mewujudkan suatu masyarakat perdagangan**

**dan perusahaan di kalangan orang-orang frelayu**

**dan kaum Bumiputra yang lain dengan tujuan**

**bahawa mereka akan dapat melibatkan diri dalam**

**semua jenis dan peringkat kegiatan ekonomi.**

**Salah satu cara bagi kita mencapai matalamat**

**ini ialah dengan membangunkan kawasan-kawasan**

**Melayu yang sedia ada di bandar dan di luarbandar**

**yang mempunyai potensi ekonomi daripada bilangan**

**penduduk tempatan nya yang ramai. Pada masa ini, potensi ekonomi ini disalurkan keluar dan tidak digunakan bagi pembangunan masyarakat setempat. Potensi ini boleh digembelingkan bagi mengukuhkan kedudukan ekonomi orang-orang Melayu. Agency-agenci Kerajaan akan memainkan peranan masing-masing sebagai penggerak utama kearah tujuan ini. Dengan cara ini, penduduk-penduduk di kawasan-kawasan ini bukan sahaja dapat menikmati kemudahan asas yang disediakan, tetapi akan dapat juga merebut peluang dan kemudahan yang ada untuk mengambil bahagian di dalam lapangan perniagaan dan perusahaan.**

**12. Sebaca! contoh di Johor Bahru, kawasan Kampong Melayu Majidee mempunyai potensi ekonomi yang besar memandangkan kepada jumlah penduduk tempatannya. Perbadanan Kemajuan Ekonomi Negeri Johor telah pun merancang untuk meningkatkan taraf Kampong Melayu Majidee dengan cara memajukan suatu kawasan perniagaan yang lebih sempurna daripada apa yang ada sekarang ini. Keadaan yang sama juga terdapat di luarbandar Johor Bahru, umpamanya di Felda Cahaya Baru. Pihak Felda telah memperuntukkan kawasan perniagaan di dalam kawasan itu. Pihak MARA akan turut membantu**

**dengan cara membina kedai-kedai bagi tujuan membangunkan sebuah pekan Melayu yang baru di-kawasan itu.**

**13. Adalah menjadi tujuan Kerajaan bahawa dengan adanya rancangan-rancangan ini maka proses memodenkan orang-orang Melayu di Johor Bahru akan dicepatkan lagi. Saya berharap penduduk-penduduk Melayu di Johor Bahru akan menyambut baik dan menyertai sepenuhnya dalam rancangan ini. Kerajaan hanya dapat menyediakan peluang dan rancangan. Terpulanglah kepada rakyat untuk menyambutnya. Penyertaan yang sepenuhnya**

**daripada rakyat akan menentukan bahawa segala harapan kita akan tercapai.**

**14. Segala usaha Kerajaan membangunkan ekonomi orang-orang Melayu di kawasan Johor Bahru ini akan menukar corak dan cara pemikiran masyarakat Johor Bahru. Ahli-ahli UMNO mestilah bersedia mempelopori perubahan sikap ini dan turut bersedia menghadapi cabaran-cabaran baru yang akan wujud apabila terdapat perubahan corak dan pemikiran masyarakat Johor Bahru ini. Dalam menghadapi masalah setingan kita perlu suatu pendekatan politik yang baru, Kita Juga mestilah bersedia**

**untuk menghadapi corak dan perubahan sikap masyarakat Johor Bahru ini.**

**Tuan-tuan dan Puan-puan sekalian.**

**15. Saya sukalah menyentuh serba sedikit tentang Koop Bersatu kerana ia merupakan suatu usaha UMNO untuk meningkatkan taraf ekonomi dan sosial orang-orang Melayu. Semenjak ia ditubuhkan dua tahun yang lalu. KOOP BERSATU telah mula menunjukkan keupayaan untuk bergerak sebagai suatu Kooperasi yang maju. Pada 13hb. Mei yang lalu, Koop Bersatu telah mendapat kejayaan yang besar apabila ia melancarkan anak syarikatnya**

**yang pertama, iaitu Kewangan Usaha Bersatu Berhad. Memandangkan kepada pentingnya peranan Koperasi kita ini, maka saya menyeru sekali lagi kepada semua ahli-ahli UMNO untuk menjadi ahli Koop Bersatu. Kita mestilah bersedia untuk menjayakan projek ini dengan sepenuhnya. Ahli-ahli UMNO juga hendaklah berusaha lebih giat lagi bagi mendapatkan lebih ramai orang perseorangan menjadi ahli Koop Bersatu. Seperti yang telah saya tegaskan, kita mestilah mencari ialan yang lebih berkesan untuk memastikan bahawa kadar pengambilan ahli yang lebih pesat dapat dilaksanakan.**

**16. Biarlah saya uiangi sekali lagi bahawa kita UMNO mempunyai ahli seramai lebihkurang 63 ribu orang. Dengan keahlian yang seramai ini, Koop Bersatu dengan mudah dapat mengumpul modal sekurang-kurangnya sebanyak \$63 juta jika tiap-tiap seorang ahli UMNO membeli 100 saham.**

**Mungkin ada mereka yang merasa sulit untuk membayar harga saham sekaligus. Ini telah pun di atasi oleh Koop Bersatu dengan adanya Undang-undang kecil yang membolehkan ahli-ahli membayar pembelian saham dengan beransur-ansur.**

**Oleh itu, saya berharap ahli-ahli UMNO dan orang-orang Melayu keseluruhannya tidak lagi**

**mempunyai masalah untuk menjadi ahli Koop Bersatu dan membeli sahamnya.**

**17. Di sini saya suka juga menyentuh sedikit tentang kemajuan kawasan Johor Bahru sebagai sebuah kawasan perusahaan. Johor Bahru sudah pun muncul sebagai sebuah kawasan perusahaan yang penting di negara kita. ini bermakna bahawa berbagai masalah yang ada Kalian dengan hal ehwal pekerja akan timbul. Kita di dalam UMNO Bahagian Johor Bahru mestilah bersiap sedia bersama-sama memberi perhatian yang berat kepada perkara ini.**

**18. Saya sedar bahawa Biro Buruh UMNO Bahagian dan Pergerakan Pemuda UMNO Bahagian bergerak aktif dalam bidang ini. Saya mengucapkan syabas kepada mereka yang telah bersusah payah berusaha menganjurkan berbagai kegiatan untuk kepentingan kaum pekerja. Saya juga berharap bahawa mereka akan teruskan usaha-usaha yang mendatangkan manfaat kepada pekerja-pekerja. Sesungguhnya segala kegiatan yang dijalankan ini adalah selaras dengan janji kita yang terkandung di dalam Manifesto Barisan Nasional; iaitu terus mengawal kepentingan kaum buruh supaya bebas**

**dari dieksploitasi dan berusaha bersungguh-sungguh menjamin hubungan harmoni di antara majikan dan pekerja, serta pengambilan pekerja-pekerja yang adil.**

**19. Kedudukan Johor Bahru sebagai pusat perusahaan akan menjadi bertambah penting lagi apabila Peiaouhan Pasir Gudang dimajukan dengan sepenuhnya. Apabila keadaan ini tercapai, maka dengan sendirinya bilangan penduduk di Johor Bahru dari golongan pekerja akan meningkat ini bermakna bahawa masalah-masalah pekerja akan bertambah dan menjadi lebih rumit**

**Saya harap semua ahli-ahli UMNO Bahagian Johor Bahru akan bersedia dari sekarang untuk memberi**

**bantuan dan pertolongan kepada mereka apabila sampai masanya kelak. Ini akan menjadi satu ujian kepada kepimpinan UMNO. Kejayaan kita dalam perkara ini akan meningkatkan lagi kedudukan UMNO dan mengukuhkan lagi pengaruhnya sebagai parti yang kanan dalam Barisan Nasional.**

**20. Rakyat pada keseluruhannya akan menjadi lebih yakin dan memberi sokongan penuh kepada UMNO jika kita dapat memberi kepimpinan yang bermutu ini. Di sebalik itu pula, setiap ahli UMNO hendaklah meneruskan khidmat dengan penuh kejujuran dan keikhlasan. Segala tanggungjawab yang kita**

**tunaikan dengan cara ini akan mendatangkan kepercayaan yang lebih mendalam lagi kepada UMNO. Ini akan menentukan bahawa parti kita terus mendapat kepercayaan yang penuh daripada rakyat jelata.**

**21. Akhirnya, saya sekali lagi mengucapkan terima kasih serta penghargaan kepada setiap mereka yang telah menjayakan mesyuarat perwakilan ini dan lawatan saya ke Johor Bahru.**

**Tuan-tuan dan Puan-puan sekalian.**

**22 Dengan ini maka saya dengan sukacitanya'/ mengisytiharkan Mesyuarat Perwakilan UMNO Bahagian Johor Bahru ini di buka denaan resminya. Terimakasih.**



No. Siri	439
No. Penerimaan	61/79